



**ODLUKA**  
**o davanju stana na privremeno korištenje bez naknade**  
**Udruženju „Srce za djecu oboljelu od raka“**  
**( prijedlog)**

Predlagač: Gradonačelnik  
Obrađivač: Gradska služba za opću upravu  
i zajedničke poslove

**Sarajevo, novembar 2018. godine**



Na osnovu člana 26. stav 1. tačka 2. i tačka 10., a u vezi s članom 73. stav 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), Gradsko vijeće Grada Sarajeva, na sjednici od \_\_. \_\_.2018. godine donosi:

(prijedlog)

**O D L U K U**  
**o davanju stana na privremeno korištenje bez naknade**  
**Udruženju "Srce za djecu oboljelu od raka"**

**Član 1.**

Ovom odlukom daje se Udruženju "Srce za djecu oboljelu od raka" na privremeno korištenje, bez naknade, stan u vlasništvu Grada Sarajeva, koji se nalazi u Sarajevu, u naselju Koševo - Vrtovi sunca, stambeni niz „E“, ulaz 1, stan broj 1, površine 73,97 m<sup>2</sup>, na period od pet (5) godina.

**Član 2.**

Svrha davanja nekretnine na privremeno korištenje bez naknade Udruženju, iz člana 1. Odluke, je smještaj roditelja koji nisu iz Sarajeva, a čija djeca borave na liječenju od malignih oboljenja u Sarajevu, i u druge svrhe se neće koristiti.

**Član 3.**

Daje se ovlaštenje gradonačelniku Grada Sarajeva da, u skladu sa ovom odlukom, u ime Grada Sarajeva zaključi ugovor o međusobnim pravima i obavezama sa Udruženjem "Srce za djecu oboljelu od raka".

**Član 4.**

Odluka stupa na snagu danom donošenja, a objavit će se u «Službenim novinama Kantona Sarajevo».

**PREDSJEDAVAJUĆI GRADSKOG VIJEĆA**  
**GRADA SARAJEVA**

**Igor dr. Gavrić**

**Broj:**  
**Sarajevo, \_\_. \_\_.2018.g.**

## **OBRAZLOŽENJE**

### **PRAVNI OSNOV**

Pravni osnov za donošenje Odluke sadržan je u članu 26. stav 1. tačka 2. i tačka 10. Statuta Grada Sarajeva, kojim je propisano da Gradsko vijeće Grada Sarajeva ima nadležnost da donosi odluke, druge propise i opće akte i daje njihovo tumačenje, te da upravlja i raspolaže imovinom Grada Sarajeva.

Pravni osnov za donošenje ove odluke u vezi je sa odredbom člana 73. stav 2. Statuta Grada Sarajeva, kojom je propisano da je Gradsko vijeće Grada Sarajeva nosilac prava raspolaganja imovinom Grada Sarajeva.

### **RAZLOZI DONOŠENJA**

Gradsko vijeće Grada Sarajeva, na sjednici održanoj 26.06.2013. godine, donijelo je Odluku o davanju stana na privremeno korištenje, bez naknade, Udruženu „Srce za djecu koja boluju od raka u FBiH“, a na osnovu koje je zaključen Ugovor o korištenju stana - bez naknade broj: 01-14-4864/13 od 12.11.2013.g. i istom važnost prestaje 12.11.2018.g.

Gradonačelniku Grada Sarajeva obratilo se Udruženje "Srce za djecu oboljelu od raka" molbom broj: 101/18 od 24.10.2018. godine, za nastavak korištenja stana za potrebe porodica oboljele djece. Vodeći računa da roditelji iz gradova širom FBiH, čija djeca su na liječenju od malignih oboljenja u Sarajevu, nemaju mogućnost boravka sa svojom djecom u bolnici, Gradsko vijeće Grada Sarajeva je, ostajući pri namjeri i želji da se pruži pomoć tim roditeljima, kroz besplatno obezbjeđivanje smještaja u stanu u vlasništvu Grada Sarajeva, donijelo ovu odluku.

### **FINANSIJSKA SREDSTVA**

Finansijska sredstva za realizaciju ove odluke nisu potrebna.



Broj: 02-08-M-64/18  
Sarajevo, 07.11.2018. godine

**SLUŽBA ZA OPĆU UPRAVU I ZAJEDNIČKE POSLOVE**  
**-ovdje-**

**PREDMET:** Mišljenje na prijedlog Odluke o davanju stana na privremeno korištenje bez naknade Udruženju „Srce za djecu oboljelu od raka“  
**Poziv na Vaš akt broj: 04-827-1/18 od 05.11.2018. godine**

Shodno članu 15. Zakona o pravobranilaštvu („Službene novine Kantona Sarajevo“, broj: 33/08-novi Prečišćeni tekst, 7/12 i 44/16) Pravobranilaštvo Grada Sarajevo je razmatralo sadržaj dostavljenog prijedloga Odluke o davanju stana na privremeno korištenje bez naknade Udruženju „Srce za djecu oboljelu od raka“ sa priložima:

- Prijedlog Odluke o davanju stana na privremeno korištenje bez naknade Udruženju „Srce za djecu oboljelu od raka“, novembar 2018;
- Molba za nastavak korištenja stana za potrebe porodica oboljele djece broj: 101/18 od 24.10.2018. godine;
- Odluke o davanju stana na privremeno korištenje bez naknade Udruženju „Srce za djecu koja boluju od raka u FBiH“ broj: 01-02-969/13 od 26.06.2013. godine;
- Ugovor o korištenju stana broj: 01-14-4864/16 od 12.11.2013. godine.

Nakon izvršenog uvida u priloženu dokumentaciju Pravobranilaštvo Grada Sarajeva, postupajući na osnovu ovlaštenja iz Zakona o pravobranilaštvu, daje s l j e d e ć e:

**MIŠLJENJE**

Obzirom na sve okolnosti kao i na sve akte dostavljene u prilogu Zahtjeva za dostavu mišljenja na prijedlog Odluke o davanju stana na privremeno korištenje bez naknade Udruženju „Srce za djecu oboljelu od raka“, te na činjenicu da je Grad Sarajevo vlasnik predmetnog stana, Pravobranilaštvo Grada Sarajevo je mišljenja da nema pravnih smetnji da Gradsko vijeće Grada Sarajeva donese Odluku u predloženoj formi te da ovlasti Gradonačelnika Grada Sarajeva da potpiše Ugovor sa Udruženjem „Srce za djecu oboljelu od raka“ kojim će detaljnije regulisati međusobna prava i obaveze iz ove Odluke.

**DOSTAVITI:**

- Naslova
- U spis



**ZAMJENIK PRAVOBRANIHOCA**

Besim Musakadić





# SRCE ZA DJECU

Srce za djecu oboljelu od raka

Betanija bb, 71000 Sarajevo

Tel/fax: +387 33 215 416

info@srcezadjecu.ba

ID broj: 4200822670001

TRN: 1610000038890124

TRN: 1610000038890027

Bosna i Hercegovina - Federacija Bosna i Hercegovina  
Ministarstvo Pravosuđa - Sarajevo  
BROJ: 110/18  
01-11-2018

Organizaciona jedinica	Identifikaciona oznaka	Kat. broj	Broj polloga
0911	05	5625	

Broj: 101/18  
Sarajevo, 24.10.2018

Grad Sarajevo  
Abdulah Skaka, gradonačelnik  
Hamdije Kreševljakovića 3  
71000 Sarajevo

## Predmet: Molba za nastavak korištenja stana za potrebe porodica oboljele djece

Poštovani gradonačelnice,

U ime Udruženja „Srce za djecu oboljelu od raka“ želim izraziti iskrenu zahvalnost Gradu Sarajevo i Vama na dosadašnjoj kontinuiranoj podršci i društveno-odgovornom djelovanju.

Podsjećamo Udruženje „Srce za djecu oboljelu od raka“ potpisalo je Ugovor o zakupu stana bez naknade sa Gradskom upravom Grada Sarajeva, tadašnjom gradonačelnicom Semihom Borovac. Predmet Ugovora je korištenje stana koji se nalazi u naselju Koševo - Vrtovi Sunca u stambenom nizu "E", ulaz 1 stan 1, površine 73,97 m<sup>2</sup>. Također, u novembru 2013. godini, potpisan je novi Ugovor o nastavku korištenja stana na period od 5 godina, sa gradonačelnikom Ivom Komšićem i taj Ugovor ističe 12.11.2018 godine.

U stan se smještaju porodice koje zbog većeg broja članova ne mogu biti smještene u Roditeljsku kuću ili zbog nekih drugih specifičnih potreba, stoga Vas molimo da se ovaj stan i u narednom periodu dodjeli Udruženju na korištenje za smještaj porodica djece oboljele od raka. Obaveza Udruženja je da stan koristi kao dobar domaćin i u skladu sa Ugovorom.

Roditeljska kuća otvorena je u aprilu 2016. godine i nalazi se u krugu Pedijatrijske klinike Jezero, u Sarajevu. Posjeduje 700m<sup>2</sup> korisnog prostora, od toga 10 porodičnih apartmana sa kupatilom, zajedničku kuhinju i dnevni boravak, multifunkcionalnu salu sa igraonicom, vešeraj, krovnu terasu i uređene zelene površine sa prostorom za relaksaciju i igru. Od dana otvaranja u Roditeljskoj kući je boravilo preko 100 porodica sa područja cijele Bosne i Hercegovine.

S poštovanjem



Srce za djecu oboljelu od raka

Fikret Kubat  
Fikret Kubat, direktor

Ko spasi jedan život kao da je spasio cijeli svijet!

www.srcezadjecu.ba